



REPUBLIKA E SHQIPËRISË

**INSPEKTORATI I LARTË I DEKLARIMIT DHE KONTROLLIT
TË PASURIVE DHE KONFLIKTIT TË INTERESAVE
SEKRETARI I PËRGJITHSHËM**

Nr. 151 Prot.

Tiranë, më 15.1.2018

Lënda : Relacion sqarues mbi realizimin e Regjistrit të Parashikimeve të Prokurimeve Publike, për vitin 2017

Drejtuar: **AGJENSIA E PROKURIMIT PUBLIK**

TIRANË

Inspektorati i Lartë i Deklarimit dhe Kontrollit të Pasurive dhe Konfliktit të Interesit, në mbështetje të Ligjit nr. 9643 datë 20.11.2006 "Për Prokurimin Publik", i ndryshuar, Vendimit të Këshillit të Ministrave nr. 914, datë 29.12.2014 "Për miratimin e rregullave të prokurimit publik", i ndryshuar, Ju dërgojmë realizimin e Regjistrit të Parashikimeve të Prokurimeve Publike, për vitin 2017 .

ILDKPKI, për vitin 2017, fondet limit në Regjistrin e Realizimeve të Prokurimeve Publike i ka pasqyruar për vlerat pa tvsh. Vlera e tvsh-se është llogaritur si zë më vete.

I. Realizimi i Regjistrit për grupin e shpenzimeve në zërin investime.(231)

Gjithsej fondi i planifikuar i investimeve për vitin 2017, është 3 milion lekë dhe për vitin është prokuruar dhe është realizuar në vlerën 2,972,388 lekë ose 99 % e fondit të planifikuar vjetor.

Inspektorati i Lartë, në zbatim të dispozitave ligjore financiare në fuqi dhe të planifikimit në Regjistrin e Parashikimeve të Prokurimeve Publike të vitit 2017, të ndryshuar, për këtë zë shpenzimi ka realizuar për periudhën respektive, fondet e planifikuara të vëna në dispozicion si;

- Fondi i investimeve me objekt "Blerje pajisje kompjuterike dhe elektronike", miratuar si produkt nga Ministria e Financave, është prokuruar, me procedurën kërkesë për propozim, fituar nga shoqëria private "BNT ELECTRONICS" Shpk në vlerën 1,427,988 lekë ose 94.5% të fondit të planifikuar. Likujdimi është kryer në zbatim të detyrimeve të kontratës dypalëshe lidhur më datë 28.4.2017.

- Fondi i investimeve me objekt “*Blerje Pajisje Teknike për Dhomën e Serverit*”, është miratuar si produkt nga Ministria e Financave, në vlerën 1,490,000 lekë me tvsh. Në mbështetje të Regjistrit të Parashikimeve të Prokurimeve Publike, kjo vlerë është prokuruar me procedurën kërkesë për propozim, fituar nga shoqëria private “*SYNAPSE ATS*” sh.p.k, në vlerën 1,370,400 lekë ose 91% të fondit të planifikuar. Likujdimi është kryer në zbatim të detyrimeve të kontratës dypalëshe lidhur më datë 31.7.2017.
- Fondi i investimeve me objekt “*Blerje Paisje zyre të tjera*”, miratuar si produkt nga Ministria e Financave, është prokuruar në vlerën 201,612 lekë me tvsh, me procedurën blerje e vogël dhe është likujduar në vlerën 174,000 lekë, sipas specifikimeve teknike.

II . Realizimi i Regjistrit për grupin e shpenzimeve në zërin operative.(602)

Realizimi i Regjistrit të Prokurimeve për grupin e shpenzimeve operative për vitin 2017, është gjithsej në vlerën 10,107,887 lekë ose 82.5% e fondit të planifikuar për prokurim me tvsh, duke respektuar dispozitat ligjore në fuqi.

- Shërbimi me objekt ‘*Ruajtja dhe sigurimi i godinës së ILDKPKI me roje objekti 24 orë*’ është realizuar me procedurën e kërkesës për propozim dhe është fituar nga firma private “*International Security Albania*” sh.p.k, në vlerën 2,398,108 (*Dy milion e treqind e nëntëdhjetë e tetë mijë e njëqind e tetë*) lekë me tvsh, ose 79.9% e fondit limit të parashikuar Në mbështetje të kontratës së lidhur ndërmjet ILDKPKI dhe operatorit ekonomik “*International Security Albania*” sh.p.k., në nenin 17, “*Ndryshimi i Ligjeve dhe Rregulloreve*” është lidhur Amendim Kontrate, në zbatim të nenit 850 e vijues të Kodit Civil, ligjit nr. 9643, datë 20.11.2006 “*Për Prokurimin Publik*”, të ndryshuar, ligjit nr. 75/2014, “*Për shërbimin privatë të sigurisë fizike*” dhe Vendimit të Këshillit të Ministrave nr. 399, datë 02,05,2017, “*Për përcaktimin e pagës minimale në shkallë vendi*” në vlerën 165,615.8 (*njëqind e gjashtëdhjetë e pesë mijë e gjashtëqind e pesëmbëdhjetë pik 8**) lekë me tvsh. Likujdimi është kryer çdo muaj në zbatim të kushteve të kontratës së lidhur ndërmjet palëve, nr.1148 Prot, datë 24.3.2017.
- Fondi i parashikuar për grup artikullin “*Blerje Bojra Printeri dhe Fotokopje*” për ILDKPKI, me fond limit për 2 milion lekë, është realizuar me procedurën e kërkesës për propozim dhe është fituar nga firma private “*Infosoft Office*” sh.p.k në vlerën 1,885,200 lekë me tvsh ose 94.3% e fondit të planifikuar. Likujdimi është kryer në zbatim të kushteve të kontratës së lidhur ndërmjet palëve, nr.2585 Prot, datë 29.5.2017.
- Fondi i parashikuar për grup artikullin “*Mirëmbajtje dhe riparime, pjesë këmbimi për 3 automjete*” është prokuruar me procedurën blerje me vlerë të vogël dhe është fituar nga firma private “*Kombinat Servis*” sh.p.k, në vlerën 346,680 lekë me tvsh. Likujdimi është kryer në vlerën 246,720 lekë, në mbështetje të kërkesave të ILDKPKI dhe kushteve të kontratës së lidhur ndërmjet palëve, nr.1539 Prot, datë 19.04.2017, në mbështetje të dispozitave në fuqi.

- Fondi i parashikuar për grup artikullin “*Blerje materiale kancelarie*”, me fond limit për 800 mijë lekë, është realizuar me procedurën blerje e vogël dhe është fituar nga firma privatme “*Infosoft Office*” sh.p.k në vlerën 818,001.24 lekë me tvsh ose 81% e fondit të planifikuar. Likujdimi është kryer në zbatim të detyrimeve dhe kushteve të kontratës së lidhur ndërmjet palëve, nr.2744 Prot, datë 2.6.2017.
- Fondi i parashikuar për grup artikullin “*Blerje Karburante*”, me fond limit për 800 mijë lekë është realizuar me procedurën e blerjes me vlera të vogla dhe është fituar nga firma privatme *A&T sha* në vlerën 779,820.26 lekë me tvsh ose 97% e fondit të planifikuar. Likujdimi është kryer në zbatim të detyrimeve dhe kushteve të kontratës së lidhur ndërmjet palëve, nr.2963 Prot, datë 28.6.2017.
- Gjatë këtij viti, shpenzimet në zërin shërbime të ndryshme janë realizuar në përmbushjen e detyrimeve me shtetin si posta, energji, ujë, telefoni. Gjithashtu gjatë kësaj periudhe janë lidhur kontrata shpenzim i abonimit ne shtyp, siguracione te detyrueshme per automjetet e ILDKPKI, kontrata e shërbimit të mirëmbajtjes së ashensorit, gjeneratori e tj. të cilat institucioni ynë, i ka likujduar në mbështetje të specifikimeve teknike të sanksionuara në marrëveshjet dypalëshe.

Përsa i përket shpenzimeve për blerje mallra të natyrave të ndryshme, institucioni ynë për këtë periudhë, i ka prokuruar dhe realizuar sipas nevojave konkrete, në mbështetje të dispozitave ligjore në fuqi.

Realizimi i prokurimeve të shpenzimeve të akorduara për ILDKPKI, për vitin 2017, është mbështetur në Regjistrin e Parashikimeve të Prokurimeve Publike të vitit 2017, të ndryshuar dhe kërkesave konkrete të institucionit, për përmirësimin e mëtejshëm të punës në menaxhimin dhe zbatimin e qëllimeve dhe objektivave të përcaktuara, duke zbatuar me korrektesi të gjitha detyrimet që rrjedhin nga legjislacioni financiar nëpërmjet një administrimi korrekt dhe kontrolli të vazhdueshëm.

SEKRETARI I PËRGJITHSHËM
Kozeta NDOI

